



Co-funded by
the European Union

Co-funded by the Swedish
International Development
Cooperation Agency



Sweden
Sverige

POZIV ZA DOSTAVLJANJE PROJEKTNIH PRIJEDLOGA

Objavljen u sklopu Projekta:

**“Unapređivanje rodne ravnopravnosti
u procesu pridruživanja EU”**

**finansiranog od strane Evropske unije i kofinansiranog od strane
Švedske agencije za međunarodni razvoj i saradnju**

Objavljen: **28. juna 2021. godine**

Rok za podnošenje prijedloga: **30. jul 2021.**

Dostaviti na: grants@reactor.org.mk

REAC—OR
research in action

Implemented by:



KVINNA
KVINNA



PRAVA
ZASVE


WOMEN'S RIGHTS CENTER
CENTAR ZA ŽENSKA PRAVA

CONTENTS

1.....	Poz
adina.....	3
2.....	Cilj
evi Poziva za dostavljanje projektnih prijedloga.....	6
3.....	Oč
ekivani rezultati i predloženi indikatori.....	6
3.1. Prilike za jačanje kapaciteta.....	8
3.1.KRITERIJUMI ZA PRIJAVU.....	9
5.....	Vrs
te aktivnosti.....	10
5.1.Dozvoljene aktivnosti.....	10
5.2.Nedozvoljene aktivnosti.....	11
6.....	Pri
hvatljivost troškova.....	11
6.1.Dozvoljeni troškovi.....	11
6.2.Nedozvoljeni troškovi.....	12
7.....	Tra
janje.....	12
8.....	Lok
acija.....	12
9.....	Izn
os grantova.....	12
10.....	krit
erijUMi za odabir i evaluaciju.....	13
10.1.Minimalni kriterijumi.....	13
10.2.Kriterijumi za odabir.....	13
11.....	Pro
cedura prijavljivanja, rokovi i vremenski okvir.....	14
11.1.Predviđeni vremenski okvir.....	15
11.2.Informativne sesije.....	16

1. POZADINA

Rodna ravnopravnost je temeljna vrijednost Evropske unije (EU), i kao takva mora biti uključena u proces pridruživanja EU na Zapadnom Balkanu (ZB). Osiguravanje rodne perspektive integrisano je u sve programe, uključujući Instrument pretpristupne pomoći (IPA), i uključuje zajedničke napore institucija, vlada, Nacionalnih IPA koordinatora (NIPAC), nadležnih ministarstava, zvaničnika/ca EU, kao i ženskih organizacija civilnog društva (ŽOCD). Ekspertiza i znanje ŽOCD su ključni u podršci vladama ZB za uključivanje principa rodne ravnopravnosti (*gender mainstreaming*) u njihove programe i osiguravanje vođenja računa o rodnoj ravnopravnosti kroz proces pridruživanja EU.¹

Ovaj Projekat nadogradnja je na rad regionalne zagovaračke mreže koja se sastoji od ŽOCD koje se bave ženskim pravima i cilj joj je unapređivanje rodne ravnopravnosti na ZB kroz proces pridruživanja EU. Finansira ga Evropska unija i kofinansira Švedska agencija za međunarodni razvoj i saradnju. Regionalne ŽOCD koje partnerski implementiraju projekat su: [Reactor – Research in Action](#) iz Sjeverne Makedonije, [Albanian Women Empowerment Network \(AWEN\)](#) iz Albanije, [Prava za sve/Rights for All](#) iz Bosne i Hercegovine (BiH), [Kosovo Women’s Network \(KWN\)](#) sa Kosova, [Centar za ženska prava/Women’s Rights Centre \(WRC\)](#) iz Crne Gore i [Kvinna till Kvinna Foundation](#) iz Švedske kroz njihovu kancelariju u Sjevernoj Makedoniji.

Opšti cilj ovog četvorogodišnjeg Projekta (2020-2024) je poboljšati i proširiti postojeću regionalnu saradnju, ojačati participativne demokratije i ostvariti inkluzivan i rodno osjetljiv proces približavanja EU. U skladu sa ovim ciljem, specifični ciljevi Projekta uključuju:

- Jačanje kapaciteta ŽOCD za efektivan dijalog sa vladama, Delegacijama i Kancelarijama EU (EUD/EUO), lokalnim organizacijama civilnog društva (OCD) i drugim OCD u regiji, uz svijest svih uključenih o rodnoj dimenziji procesa pridruživanja EU;
- Poboljšati odgovornost vlada i EUD/EUO u implementaciji obaveza vezanih za rodnu ravnopravnost i ženska prava u procesu pridruživanja EU.

¹ <https://kvinnatillkvinna.org/publications/womens-rights-organisations-at-the-center-of-implementation-of-the-eu-gender-action-plan-3-2021-2025/>

Naša saradnja na unapređivanju ženskih prava i rodne ravnopravnosti postoji više od 20 godina i uključuje istraživanje, monitoring, uključenost građana, međusektorski pristup izgradnji koalicija, podgrantovima, pružanje usluga i zagovaranje utemeljeno na dokazima i usmjereno ka nacionalnim vladama, nacionalnim mehanizmima za rodnu ravnopravnost, članovima (nacionalnih) parlamenata (MP), EUD/EUO, Evropskoj komisiji, zemljama članicama EU i članovima/icama Evropskog parlamenta (MEP).

Od 2009, članice naše regionalne mreže uz partnersku podršku Kvinna till Kvinna zagovarale su pred vladama i donosiocima odluka u EU, pozivajući ih na odgovornost za ispunjavanje njihovih obaveza vezanih za ženska prava i rodnu ravnopravnost, uključujući učešće žena i ŽOCD u procesu pristupanja EU i osiguravanje vidljivosti problema vezanih za ženska prava u dokumentima vezanim za proces pristupanja. Stoga, ovaj Projekat zasnovan je na dokazima i iskustvu našeg višegodišnjeg rada na nacionalnom i regionalnom nivou u oblasti ženskih prava i rodne ravnopravnosti.

Kroz naš rad, ustanovile smo nekoliko generalnih zaključaka i praznina koje je potrebno popuniti:

Zaključci	Akcija koju je potrebno poduzeti
<p><u>Postoji generalni manjak uključenosti i participacije (Ž)OCD u procesu pridruživanja EU i ženska prava i rodna ravnopravnost nisu prioritet u procesu pridruživanja EU.</u></p> <p>Uprkos značajnim poboljšanjima i kontinuiranom pritisku od strane ŽOCD, ženske organizacije su rijetko uključene u procese vezane za pristupanje EU u svojim državama. Rodna ravnopravnost ostaje marginalizovani problem u procesu pridruživanja. Pretpristupni proces pruža najbolju priliku ženskim organizacijama da snažno zagovaraju i kreiraju promjene kada se radi o unapređivanju zenskih prava.</p>	<p>Postoji potreba za strukturiranom interakcijom sa insttucijama EU, kao i institucijama koje koordinišu proces pridruživanja na nacionalnom nivou, kako bi lokalne EUD/EUO, lokalne vlade, DG NEAR i DG JUST (odgovorni za uključivanje principa rodne ravnopravnosti) prioritizovali rodnu ravnopravnost. Nadalje, u zvaničnim dokumentima poput Državnih izvještaja i IPA programiranja, ženska prava moraju se kontinuirano adresirati, osiguravajući krucijalnu važnost uključivanja ženskih organizacija na nacionalnom nivou i u Briselu.</p>

Zaključci	Akcija koju je potrebno poduzeti
<p>EU se obavezala na uključivanje principa rodne ravnopravnosti i u političkom dijalogu i u programiranju, kao i na povećanu podršku borcima/borkinjama za zaštitu ženskih prava i OCD, u Comprehensive Approach to the EU Implementation of UNSCR 1325 kao i u EU Gender Action Plan III. GAP III je nadogradnja na prethodni GAP II dokument, koji je postavio cilj da 85% novih programa dobije OECD rodni marker 1 ili 2 do 2020. godine. Također uključuje i novu obavezu sprovođenja najmanje jednog projekta po državi i jedne po regiji sa rodom kao osnovnim ciljem (GM2) tokom trajanja GAP III. Nadalje, GAP III ima za cilj da se uhvati u koštac sa izvornim uzrocima nejednakosti i diskriminacije kroz usvajanje rodno-transformativnog pristupa, međusektorskog pristupa u adresiranju diskriminacije i pristupa zasnovanog na pravima. Ipak, osoblje EUD/EUO, kao i Nacionalni IPA koordinatori (NIPAC) i nadležna ministarstva nemaju uvijek dovoljnu rodnu ekspertizu kako bi osigurale da svi programi uključuju rodnu perspektivu. Konačno, iako sve zemlje u regionu ZB imaju zakone o rodnoj ravnopravnosti, njihova implementacija je slaba u svim područjima javnih politika, a neophodna je za osiguravanje uključivanja principa rodne ravnopravnosti.</p>	<p>Organizacije koje rade na unapređivanju rodne ravnopravnosti i ženske organizacije sa posebnom rodnom ekspertizom su ključne u poboljšavanju implementacije ovih obaveza kroz aktivni monitoring procesa približavanja EU na nacionalnom nivou i pozivanja institucija na odgovornost. Stoga (Ž)OCD moraju biti uključene u monitoring inicijative i aktivnosti, i predstavljati watchdogs osiguravanja rodne ravnopravnosti.</p>
<p>Ženske organizacije i grupe imaju ekstenzivno iskustvo i znanje u sprovođenju rodnih analiza i integrisanju principa rodne ravnopravnosti, a koje podržavaju vlade u uključivanju rodne ravnopravnosti u svoje programe i osiguravanju da se vodi računa o rodnoj ravnopravnosti kroz proces pridruživanja EU. Ipak, uz izuzetak nekoliko primjera dobre prakse, ekspertiza ženskih organizacija je jedva prepoznata ili korištena u procesu pridruživanja EU, te stoga rodna perspektiva velikim dijelom nedostaje. Implementiranje niza reformi vezanih za pridruživanje EU može postati teško bez podrške različitih građana/ki u implementiranju reformi. Nadalje, postoje dokazi o smanjivanju prostora za djelovanje organizacija koje se bave ženskim pravima, posebno kada se radi o aktivističkim (<i>grassroots</i>) i lokalnim organizacijama.</p>	<p>Rodnu ekspertizu ŽOCD bi trebalo koristiti, priznati i pravično vrednovati. Organizacije za ženska prava, posebno na lokalnom nivou, mogu u velikoj mjeri doprinijeti u pripremi rodnih analiza, uključivanju rodne perspektive u relevantnu legislativu, uključivanju principa rodne ravnopravnosti u programe u područjima različitih politika, te pružanju informacija od nemjerljivog značaja zasnovanog na vlastitim iskustvima i iskustvima žena kojima pružaju podršku.</p>

Kako bi se adresirale preporuke iz našeg dosadašnjeg rada, partneri na implementaciji ovog Projekta prepoznali su potrebu za bliskom saradnjom sa drugim (Ž)OCD u regionu i stoga je planirali u sklopu implementacije. Kako bi podržali ovu saradnju prema ostvarivanju zajedničkih ciljeva, Koalicija otvara ovaj Poziv za dostavljanje projektnih prijedloga za zainteresovane (Ž)OCD.

2. CILJEVI POZIVA ZA DOSTAVLJANJE PROJEKTNIH PRIJEDLOGA

Cilj ovog Poziva za dostavljanje projektnih prijedloga je **podržati lokalne (Ž)OCD u jačanju njihovih kapaciteta u oblastima gdje im je potreban dodatni razvoj, uz korištenje “learning by doing” (“učenje kroz praksu”) pristupa**. Proces podgrantova teži da ojača organizacijske, istraživačke, monitoring i zagovaračke kapacitete, kao i kapacitete za umrežavanje lokalnih (Ž)OCD .

Dodatno, finansijska podrška lokalnim (Ž)OCD kroz ove podgrantove ima za cilj: (1) jačanje kapaciteta ŽOCD kako bi se efektivnije uključile u dijalog sa vladama, EUD/EUO i drugim OCD u regiji, uz podizanje svijesti ovih aktera o rodnoj dimenziji procesa pridruživanja EU, i o njihovoj važnosti i ulozi; (2) poboljšavanje odgovornosti vlada i EUD/EUO u implementaciji njihovih obaveza vezanih za rodnu ravnopravnost i ženska prava kroz ove procese.

3. OČEKIVANI REZULTATI I PREDLOŽENI INDIKATORI

Očekivani rezultati uključuju:

R1. Povećana i poboljšana participacija lokalnih (Ž)OCD u procesima donošenja odluka i reformama vezanim za rodno ravnopravno pristupanje EU (ovaj aspekt uključuje poboljšanje odnose saradnje sa lokalnim i nacionalnim vladinim zvaničnicima/ama i drugim relevantnim akterima);

R2. Povećana saradnja, umrežavanje i razmjena znanja i najboljih praksi (mentorstvo) među OCD, kao i njihova primijena u jačanju odgovornosti vlada u implementaciji obaveza vezanih za rodnu ravnopravnost tokom procesa pridruživanja EU;

R3. Povećani i poboljšani kapaciteti lokalnih ŽOCD za monitoring, rodne analize, uključivanje principa rodne ravnopravnosti i zagovaranje vezano za pridruživanje EU.

Pošto se ovi grantovi dodjeljuju u okviru gore navedenog Projekta i trebalo bi da doprinesu postizanju ovih rezultata i adresiranju navedenih preporuka, savjetuje se da podnosioci/teljice prijedloga svakako uzmu u razmatranje korištenje nekih od sljedećih indikatora u svojim prijedlozima i logičkim okvirima, prema širem logičkom okviru ovog Projekta:

Logika	Rezultati	Indikatori
--------	-----------	------------

<p>Ut ic aj (O pš ti cil j(ev i))</p>	<p><i>Poboljšana regionalna saradnja kako bi se jačale participativne demokratije i inkluzivan rodno osjetljiv proces približavanja EU</i></p>	<ul style="list-style-type: none"> - ojačana <u>regionalna mreža</u>, uključujući više ŽOCD (lokalnih i grassroots) i uključujući više OCD kao saveznika, uz pokazivanje jače posvećenosti, poboljšane saradnje i povezanosti sa vladama i EUD/EUO i značajnije učešće u procesu približavanja EU; - ojačane <u>nacionalne mreže</u>; uključivanje lokalnih/grassroots i drugih OCD; pojačana i poboljšana saradnja i uključivanje u proces pridruživanja EU sa nacionalnim vladama i EUD/EUO; - povećano znanje o procesu pridruživanja EU; ojačani opšti kapaciteti o rodnim analizama i EU zagovaranju; - poboljšana odgovornost relevantnih vladinih institucija i EUD/EUO i njihova jača posvećenost rodnoj ravnopravnosti u procesu pridruživanja EU.
<p>Out ome s (Spe cifič ni cilje vi)</p>	<p><i>SO1: Ojačati kapacitete OCD za efektivnu povezanost sa vladama, EUD/EUO, drugim OCD i drugim OCD u regionu, čineći ove aktere svjesnijim rodne dimenzije procesa pridruživanja EU, njihove važnosti i uloge</i></p>	<ul style="list-style-type: none"> # OCD koje rade u oblasti rodne ravnopravnosti i drugim oblastima uključene u jačanje kapaciteta kroz radionice i learning by doing pristup # lokalnih/grassroots (Ž)OCD koje imaju vještine i znanja o zagovaranju vezanom za EU, rodnim analizama, monitoringu obaveza vlada vezanih za rodnu ravnopravnost # (Ž)OCD, uključujući lokalne/grassroots, uključenih u zagovaranje vezano za EU sa vladama i relevantnim akterima % implementacije zajedničke regionalne Zagovaračke strategije # zajedničkih zagovaračkih inicijativa na nacionalnom nivou od strane nacionalnih (Ž)OCD mreža i drugih OCD partnera % implementacije nacionalnih zagovaračkih strategija
	<p><i>SO2: Poboljšati odgovornost vlada i EUD/EUO u implementaciji obaveza vezanih za rodno ravnopravnost i ženska prava kroz proces pridruživanja EU</i></p>	<ul style="list-style-type: none"> # promjena koje se javljaju kao rezultat različitog regionalnog i nacionalnog zagovaranja (Ž)OCD i aktivnosti monitoringa # vladinih institucija/zvaničnika/ca i EUD/EUO po zemlji uključenih u implementaciju obaveza vezanih za rodnu ravnopravnost unutar njihovog mandata

O u t p u t i R e z u l t a t i (O u t p u t s)	<i>Output 1 (u vezi sa SO1 i SO2): Poboljšano umrežavanje i učešće postojećih regionalnih ženskih mreža kako bi se uključili principi rodne ravnopravnosti u pridruživanju EU</i>	<p># (Ž)OCD (uključujući lokalne/grassroots i druge OCD) koje učestvuju u zagovaračkim aktivnostima i inicijativama regionalne mreže</p> <p># (Ž)OCD (uključujući lokalne/grassroots i druge OCD) koje učestvuju na sastancima umrežavanja i sastancima za planiranje zagovaranja na nacionalnom i regionalnom nivou</p> <p># sastanaka održan između (Ž)OCD i drugih aktera kako bi se planiralo i sprovodilo zajedničko zagovaranje</p>
	<i>Output 2 (u vezi sa SO1 i SO2): Ojačan kapacitet i poboljšano učešće različitih lokalnih ženskih grupa u pridruživanju EU</i>	<p># ŽOCD uključenih u proces mentorstva</p> <p># (Ž)OCD (uključujući lokalne/grassroots) koje učestvuju na radionicama jačanja kapaciteta</p> <p># zajedničkih zagovaračkih aktivnosti na regionalnom i nacionalnom nivou vezanih za uključivanje (Ž)OCD u sektorska radna tijela vezana za pridruživanje EU</p> <p># objavljenih monitoring izvještaja i analiza od strane (Ž)OCD (lokalnih/grassroots) o vladinim obavezama vezanim za rodnu ravnopravnost u pridruživanju EU</p>
	<i>Output 3 (u vezi sa SO2): Vlade, EUD/EUO su politički i finansijski pozvani na odgovornost za uključivanje principa rodne ravnopravnosti u proces pridruživanja EU</i>	<p># na dokazima zasnovanih izvještaja, analiza i informativnih listova/vodiča objavljenih po zemlji i u regionu</p> <p># medija koji pokrivaju pitanja (uključujući i društvene medije) vezana za obaveze vlada po pitanju rodne ravnopravnosti sa referisanjem na pridruživanje EU</p> <p># zajedničkih zagovaračkih aktivnosti na nacionalnom i regionalnom nivou</p> <p># vladinih institucija/zvaničnika/ca i EUD/EUO uključenih u zagovaračke akcije</p>

3.1. Prilike za jačanje kapaciteta

Individualno prilagođen oblik podrške biće pružen svim dobitnicima/ama granta kako bi se postigli opšti ciljevi i rezultati. Prvo, sve odabrane organizacije koje se prijave za grant proći će Procjenu

organizacijskih i zagovaračkih kapaciteta (Organisational and Advocacy Capacity Assessment - OACA).² Jednodnevna procjena koristiće se kako bi se identifikovale snage organizacije, kao i prilike za jačanje njihovih kapaciteta. Na osnovu ove procjene, organizacije će razviti jednostavan Plan izgradnje kapaciteta (Capacity Development Plan - CDP) koji mogu ispuniti tokom perioda granta. Organizacije koje se prijave ohrabruju se da u prijedlogu budžeta izdvoje određena sredstva i resurse za ovu aktivnost, a određena dodatna ekspertiza može biti dostupna na osnovu identifikovanih potreba. Sva podrška biće pružena na osnovu predloženih Projekata. Prpratna OACA procjena će biti sprovedena na kraju perioda granta, kako bi se procijenile promjene u organizacijskim kapacitetima koje su se desile tokom ovog perioda.

Dodijeljeni grantovi će omogućiti (Ž)OCD da jačaju svoje profesionalne vještine u praćenju reformi vezanih za rodna pitanja na lokalnom nivou, sprovode zagovaranje zasnovano na dokazima, značajnije učestvuju u lokalnim politikama i procesima donošenja odluka, kao i podižu svijest o važnosti ispunjavanja obaveza koje su preuzele lokalne vlade u vezi politika rodne ravnopravnosti. Dodatno, podgrantovi će omogućiti (Ž)OCD da jačaju svoje organizacijske, finansijske i zagovaračke kapacitete kroz period implementacije aktivnosti predviđenih podgrantom.

3.1.KRITERIJUMI ZA PRIJAVU

Kako bi se prijavile, organizacije koje podnose prijave moraju ispuniti sljedeće kriterijume:

- Biti legalno registrovane i djelovati u jednoj ili više od navedenih šest zemalja: Albanija, Bosna i Hercegovina, Crna Gora, Sjeverna Makedonija, Kosovo i Srbija;
- Biti neprofitne;
- Biti organizacije civilnog društva;
- Biti aktivne duže od godinu dana;
- Ispunjavati misiju koja podržava i vezana je za predložene aktivnosti;
- Imati jasnu viziju promjene koju žele postići svojom inicijativom, koja će doprinijeti unapređivanju rodne ravnopravnosti kroz proces pridruživanja EU; i
- Biti u mogućnosti dostaviti dokaze njihovih kapaciteta i ranijih iskustava u upravljanju projektima slične veličine (u smislu budžeta i ugovorenog trajanja aktivnosti iz podgranta);
- Biti direktno odgovorne za pripremu projekta i upravljanje projektom;
- Imati profesionalne sposobnosti i kvalifikacije neophodne za uspješan završetak predloženog projekta;
- Nastojati da uključe marginalizovane, grassroots i/ili ranjive osobe (npr. osobe koje trpe diskriminaciju, posebno žene, osobe s invaliditetom, LGBTQIA+ osobe, manjinske etničke grupe, između ostalih); i
- Imati određeno iskustvo vezano za predložene projektne aktivnosti, kao što je npr:
 - Ako organizacija želi da uključi podizanje svijesti u svoj prijedlog, trebalo bi da ima barem neko iskustvo u podizanju svijesti među targetiranim zajednicama;
 - Ako je organizacija zainteresovana za podršku politikama i donošenju odluka, relevantno prethodno iskustvo i ekspertiza ILI trenutno učešće u sektorskim radnim grupama ili

² Ova metodologija, izvedena iz Zagovaračkog indeksa Američke agencije za međunarodni razvoj (USAID), i dodatno razvijena od strane East-West Management Instituta, koristi se u više zemalja širem svijeta kako bi se procijenili kapaciteti i sposobnosti organizacija za efektivno zagovaranje.

relevantnim/sličnim tijelima koja učestvuju u donošenju odluka i procjenama politika smatraće se kao prednost.

Svaka organizacija može podnijeti samo jednu prijavu na ovaj Poziv za dostavljanje projektnih prijedloga.

Iskustvo u unapređivanju rodne ravnopravnosti i/ili ženskih prava se jako ohrabruje i smatra se prednošću, ali nije obavezno za proces selekcije. Ohrabrujemo sve lokalne organizacije da izađu iz svoje zone komfora i izazovu same sebe sa novim aktivnostima koje mogu unaprijediti uključivanje principa rodne ravnopravnosti na različitim nivoima i doprinijeti generalnim procesima rodne ravnopravnosti u svakoj zemlji, uzimajući u obzir svoje trenutne kapacitete i potencijale za uspješnu implementaciju elaboriranih ideja i planiranih aktivnosti.

5. VRSTE AKTIVNOSTI

5.1. Dozvoljene aktivnosti

Vrste dozvoljenih aktivnosti u sklopu finansijske podrške uključuju (ali nisu ograničene na):

- monitoring i izvještavanje o obavezama organa javne vlasti vezanih za rodnu ravnopravnost (s fokusom na lokalne vlasti) vezanih za proces pristupanja EU, npr. monitoring implementacije zakonodavstva i politika vezanih za rodnu ravnopravnost i ženska prava na nivou lokalne zajednice, kao važan dio reformi vezanih za pridruživanje EU;
- zagovaranje prema relevantnim nosiocima/teljama dužnosti, na osnovu nalaza monitoringa;
- sprovođenje kampanja zasnovanih na dokazima i aktivnosti podizanja svijesti o ženskim pravima i unapređivanju rodne ravnopravnosti kroz proces pridruživanja EU na lokalnom nivou, uključujući medijski monitoring i podizanje svijesti za poboljšanje uključivanja principa rodne ravnopravnosti i opštu jednaku inkluziju žena i muškaraca u zajednici,
- kampanje i zagovaranje zasnovani na dokazima s ciljem osnaživanja žena i djevojčica, u njihovoj različitosti, kako bi učestvovala u političkom dijalogu,
- na dokazima zasnovano zagovaranje za poboljšane i rodno osjetljive javne usluge (npr. sektor pružanja njege), itd.

Vrste pravnih lica koje je moguće podržati će biti (ali ne i nužno ograničeno na) lokalne i grassroots ženske organizacije civilnog društva koje djeluju u oblasti rodne ravnopravnosti ili organizacije civilnog društva voljne da poboljšaju svoje razumijevanje ljudskih prava i unaprijede rodnu ravnopravnost kroz proces pridruživanja EU i doprinesu gore navedenim ciljevima. OCD koje djeluju u drugim oblastima relevantnim za ovaj Projekat (približavanje EU, klimatske promjene i životna sredina, itd.) su dobrodošle da se prijave na ovaj Poziv za dostavljanje projektnih prijedloga ukoliko su voljne podržati procese uključivanja principa rodne ravnopravnosti u svojim zemljama kroz poboljšavanje svog znanja i ekspertize o pitanjima rodne ravnopravnosti i ljudskih prava uopšte.

Aktivnosti izgradnje kapaciteta takođe mogu biti podržane kao dio inicijativa, posebno na način kako je definisano u OACA i CDP dobitnika/ca grantova (vidjeti iznad pod 4.). Podnosioci/teljke prijava ohrabruju se da odrede sredstva za ove aktivnosti. Ipak, izgradnja kapaciteta ne bi trebalo da bude glavni cilj.

5.2.Nedozvoljene aktivnosti

Vrste aktivnosti koje nisu dozvoljene uključuju, ali nisu ograničene na:

- Aktivnosti koje se većinom ili isključivo tiču pojedinačnih sponzorstava za učešće na radionicama, seminarima, konferencijama, kongresima i studijskim posjetama;
- Aktivnosti koje se većinom ili isključivo tiču pojedinačnih stipendija za studije ili trening kurseve;
- Kupovina zgrada ili kancelarija;
- Kupovina vozila;
- Kupovina opreme (osim ako nije neophodna za uspješnu implementaciju projekta);
- Aktivnosti vezane za političke stranke ili aktivnosti političke/stranačke prirode;
- Aktivnosti koje potpadaju pod opšte aktivnosti nadležnih državnih institucija ili državne uprave, uključujući lokalne vlasti; i
- Aktivnosti vezane za duvansku industriju (CAEN šifra 16); proizvodnju alkoholnih destilovanih pića (CAEN šifra 1591) i oružje i municiju (CAEN šifra 296).

6. PRIHVATLJIVOST TROŠKOVA

6.1.Dozvoljeni troškovi

Dozvoljeni troškovi prema ovom Pozivu su oni koji su:

- Nastali od strane korisnika/ca granta tokom trajanja projekta i koji su vezani za planirane aktivnosti u okviru ugovora o grantu;
- Naznačeni u procijenjenom cijelom budžetu projekta priloženom uz ugovor o grantu;
- Neophodni za implementaciju projekta koji je predmet granta;
- Moguće ih je identifikovati i verifikovati, uključujući evidenciju u računovodstvu korisnika granta i određeni prema primjenjivim računovodstvenim standardima zemlje u kojoj korisnik ima sjedište i prema korisnikovoj uobičajenoj računovodstvenoj praksi za troškove;
- U skladu sa zahtjevima primjenjivog poreznog i socijalnog zakonodavstva; i
- Razumni, opravdani i u skladu sa principom pravilnog finansijskog menadžmenta, posebno po pitanju ekonomičnosti i efikasnosti.
- Plate i operativni troškovi, tamo gdje podnosioci/teljke prijave jasno objašnjavaju koliko podrške će im omogućiti da unaprijede rodnu ravnopravnost u procesu pridruživanja EU, kako je navedeno iznad.

6.2. Nedožvoljeni troškovi

Nedožvoljeni troškovi prema ovom Pozivu su:

- Dugovi i kamate na dug;
- Pokriće gubitaka ili potencijalne buduće obaveze;
- Troškovi koje je/su korisnik/ci/ce prijavili/e i finansirali/e kroz drugi projekat ili radni program koji se finansira grantom Evropske unije (uključujući kroz EDF) ili koji već finansiraju drugi donatori;
- Kupovina zemljišta ili zgrada;
- Gubici nastali usljed kursne razlike;
- Kreditiranje trećih osoba; i
- Troškovi plata javnih službenika/ca i/ili službenika/ca u javnoj upravi.

7. TRAJANJE

Planirano trajanje svakog projektnog prijedloga mora biti najmanje 12 mjeseci i ne smije prekoračiti ukupno trajanje od 18 mjeseci.

Planirana implementacija projekata počinje ne kasnije od marta 2022. godine i završava ne kasnije od avgusta 2023. godine. Ovo je apsolutni maksimum na osnovu opšte Action Timeline, koja može uključivati i pravovremenu pripremu, podnošenje i odobravanje konačnih izvještaja korisnika/ca podgrantova.

(Napomena: predviđeni početak projekata bi trebalo da bude nakon 1. decembra 2021. godine)

8. LOKACIJA

Aktivnosti se odvijaju u zemlji gdje je organizacija registrovana i djeluje, uključujući Albaniju, Bosnu i Hercegovinu, Kosovo, Crnu Goru, Sjevernu Makedoniju i Srbiju.

Komisija za ocjenu grantova će nastojati da raspodijeli sličan broj grantova po partnerskoj zemlji, ali će uzeti u obzir i lokalni kontekst i okruženje u kojem djeluju OCD, kvalitet dostavljenih prijava, i nivo uticaja koji mogu napraviti na nivou lokalne zajednice/zemlje.

Komisija za ocjenu grantova zadržava pravo da pravi izmjene na osnovu dostavljenih prijedloga.

9. IZNOS GRANTOVA

Ukupni maksimalni iznos za sve zemlje koje učestvuju koji je moguć prema ovom Pozivu za podnošenje projektnih prijedloga je 450,000.00 EUR. Predviđeni maksimum po pojedinačnom dodijeljenom grantu je 15,000.00 EUR.

Organizacije su dobrodošle da se prijave na ovaj Poziv za podnošenje projektnih prijedloga, sa jasnom referencom u svojoj prijavi na to u kojoj oblasti planiraju raditi u svojim zemljama.

Poziv će biti ponovo objavljen samo ako sredstva ne budu iscrpljena tokom prvog poziva.

10. KRITERIJUMI ZA ODABIR I EVALUACIJU

Komisija za ocjenu grantova koja se sastoji od šest članova/ica koji/e su predstavnici/e svake partnerske organizacije će pregledati i evaluirati prijave. U svrhu evaluacije, podnosioc/teljka prijave mora osigurati da su sve tražene informacije i dokumenti pripremljeni. Sve prijave biće ocjenjivane prema sljedećim koracima i kriterijumima:

10.1. Minimalni kriterijumi

Izvršiće se inicijalna procjena svih dostavljenih prijava kako bi se osiguralo da:

- Podnosilac/teljka prijave ispunjava [kriterijume za dodjelu podgranta](#);
- Podnosilac/teljka prijave je podnio/la sve tražene dokumente u traženom [formatu](#);
- Prijava je podnešena u roku.

Prijave koje ne ispunjavaju ove kriterijume biće diskvalifikovane i neće biti dodatno razmatrane. Ukoliko su traženi minimalni kriterijumi ispunjeni, prijavu će obraditi Komisija za ocjenu grantova prema kriterijumima za odabir navedenim u nastavku.

10.2. Kriterijumi za odabir

Komisija za ocjenu grantova će ocjenjivati prijedloge na osnovu sljedeće tabele za evaluaciju. Prijedlozi sa najviše bodova biće odabrani za dodjelu dostupnih grantova. Podnosioci/teljke moraju ostvariti barem 50 bodova kako bi primili finansijska sredstva.

Tabela za selekciju	Maksimalni bodovi
I. Tehnički pristup	60
a. Relevantnost pitanja i potreba pokrivenih u prijavi	30
I.a.1. Precizna analiza problema	15
I.a.2. Precizno definisanje ciljnih grupa (direktnih/indirektnih)	10

I.a.3. Precizan opis projektnog menadžmenta i partnera_ki/saradnika_ica	5
b. Kvalitet predloženih aktivnosti	15
c. Aktivnosti usmjerene na ostvarivanje rezultata	15
I.c.1. Okvir za ostvarivanje rezultata (<i>results framework</i>)	5
I.c.2. Vremenski okvir aktivnosti	5
I.c.3 Procjena i menadžment rizika	5
II. Organizacijski kapacitet i rezultati iz ranijeg radnog iskustva	20
II.a. Administrativni, finansijski i kapacitet za menadžment	10
II.a.1. Struktura organizacije	5
II.a.2. Glavno/a područje/a fokusa, glavna/e ciljna/e grupa/e, geografsko/a područje/a provođenja aktivnosti	5
II.b. Relevantno prethodno iskustvo i rezultati na sličnim projektima	10
III. Budžet	20
III.a. Efikasna raspodjela troškova	10
III.b. Adekvatan finansijski menadžment	10
<u>UKUPNO</u>	100

11. PROCEDURA PRIJAVLJIVANJA, ROKOVI I VREMENSKI OKVIR

Prijave se moraju podnijeti na engleskom jeziku. Podnosioci/teljke prijava takođe mogu podnijeti prijave na jednom od lokalnih jezika (albanski, srpski, bosanski, crnogorski ili makedonski), ali mora postojati i engleska verzija. PUNE prijave moraju se podnijeti elektronski na sljedeću email adresu: grants@reactor.org.mk, kojom upravlja Reactor – Research in Action.

Podnosioci/teljke prijava moraju podnijeti sljedeće dokumente:

1. Primjerak prijave uz korištenje Obrasca za prijavu, uključujući i Vremenski okvir (Word format, priložen i dostupan na: <https://womensrightscenter.org/poziv-za-dostavljanje-projektnih-prijedloga/>)
2. Budžet (Excel format, priložen i dostupan na: <https://womensrightscenter.org/poziv-za-dostavljanje-projektnih-prijedloga/>)
3. Logički okvir (Word format, priložen i dostupan na: <https://womensrightscenter.org/poziv-za-dostavljanje-projektnih-prijedloga/>)

Podnešeni prijedlozi moraju biti originalni i isključivo proizvod rada organizacije koja podnosi prijavu. Plagiranje će rezultirati diskvalifikacijom.

Pitanja vezana za Poziv za podnošenje projektnih prijedloga i Obrazac za prijavu mogu se poslati organizaciji Reactor – Research in Action na sljedeći email: grants@reactor.org.mk do isteka [roka za slanje upita za pojašnjenje](#).

Reactor će zadržati sve materijale i dokumente koje podnosioci/teljke prijava prilože. Reactor neće koristiti informacije koje podnosioci/teljke prijava pošalju za bilo koje druge svrhe osim ocjene prijedloga; sve dostavljene informacije ostaće povjerljive, osim ako drugačije ne bude propisano zakonima Sjeverne Makedonije ili zatraženo od strane donatora.

Po dostavljanju prijave, podnosioci/teljke prijava će primiti Potvrdu o prijemu sa brojem prijave.

11.1.Predviđeni vremenski okvir

Aktivnost	Rok
Informativne sesije	5 – 9. jul 2021. (vidjeti u nastavku)
Rok za slanje upita za pojašnjenje/dodatne informacije	16. jul 2021.
Rok za podnošenje projektnih prijedloga	30. jul 2021.
Procjena	3. – 13. avgust 2021.
Sprovođenje procedure Komisije za ocjenu grantova	16. avgust – 6. septembar 2021.
Zahtjevi finalista za dostavljanje dodatnih informacija (ako je relevantno)	9. – 24. septembar 2021.

Obavještenje o dodjeli	11. – 15. oktobar 2021.
Orijentacijske sesije, finalizacija i potpisivanje ugovora <i>Napomena: predviđeni početak projekata je nakon 1. decembra 2021. godine</i>	15. – 19. novembar 2021.

11.2.

11.2. Informativne sesije

Posebne informativne sesije su integralni dio ovog Poziva za dostavljanje projektnih prijedloga i organizovaće ih partneri na implementaciji u svih šest (6) zemalja Zapadnog Balkana. Tokom informativnih sesija, detaljnije će biti objašnjen Poziv za dostavljanje projektnih prijedloga i biće odgovoreno na potencijalna pitanja podnosioca/teljki prijava. Raspored planiranih informativnih sesija je sljedeći:

Skopje: 9 July 2021, 11:00 (Zoom)

Sarajevo: 7 July 2021, 10:00 (Zoom)

Tirana: 8 July 2021, 11:30 (Zoom)

Pristina: 9 July 2021, TBC (Zoom)

Podgorica: 5 July 2021, 13:00 (Zoom)

Belgrade: 14 July 2021, 14:00 (Zoom)